

توقف اولور . (بیان ایدیور : مذاهب سائرینی بیانندن صرف نظر ایدیور .

ذکر اولسان . مذاهب عشره دن هر برینک صاحبزری ادلهیه مراجعت ایدیور ، مخالفلرده انلره جواب وریور . بونا بدیه راجح اولان مذهب جمهور مذهبی در : امر صیغه سی وجوب معناسنده تحقیقتدر ، وجوبه موضوعدر . معانی سائره انحق قرائن ایله معلوم اولور . امر صیغه سنک وجوبدن بشقه برچوق معنالی وار ایسه ده منازعه انحق معانی ازبده میاننده در : وجوب ، ندب ، اباحه ، تهدید .

وجوبه مثال : اقموا الصلاة و آتوا الزکاة

ندبه مثال : فذکابوهم ان علمتم فیہ خبراً .

اباحیه مثال : کلوا و اشربوا

تهدیده مثال : اعملوا ماشتم

نهی صیغه سی مذاهب مختلفه

امر صیغه سنده اختلاف اولدینی کی نهی صیغه سنده ده اختلاف اولو نمشدر :

۱ - نهی صیغه سنک معنای حقیقیسی تحریم در . نهی صیغه سی معانی سائرده مجازاً استعمال اولور . نهی صیغه سی قرینه دن خالی اولورسه ایشلهین عقابه مستحق اولیق صورتیله تحریمه دلالت ایدر . جمهورک مذهبی بودر .

۲ - نهی صیغه سی کراهته موضوعدر . قرینه دن خالی اولور ایسه ایشلهینه عقاب تعلق ایتمیوب مجرد ترکنه حث و تشویق تعلق ایدر ، ترکی فعلنه راجح اولور .

۳ - نهی صیغه سی اشتراك لفظی ایله حرمت و کراهت معنالی بیننده مشترکدر . حرمت ویا کراهت معنالدن بری انحق قرینه ایله تعین ایدر . نهی صیغه سی قرائن خالی اولور ایسه ایشلهین عقابه مستحق اولور ویا عقابه مستحق اولیوب ترکنه تشویق ایدر کی معنالر اکلایشله من . مطلق بر ترک معنایی اکلایشیلر .

۴ - نهی صیغه سنده اشتراك معنوی ایله مطلق ترک موضوعدر . بونک نتیجه سی ایله اوچنچی مذهبک نتیجه سی بردر .

۵ - نهی صیغه سنده توقف اولور . بومذهبه کی توقف معنایی حقیقی بر تعیینده توقفدر . اوچنچی ، دردنچی مذهبه ده توقف استعمال اثناسنده معنای مقصودی تعیینده توقفدر .

اوچنچی و دردنچی مذهبلره کوره نهی صیغه سنک معنای حقیقیسی تعین ایتشددر . اوچنچی مذهبه کورم هم حرمته ، هم کراهته ؛ دردنچی مذهبه کورم مطلق ترک موضوعدر . بشنچی مذهبه کوره معنای حقیقی متعین دککدر .

۶ - نهی صیغه سی اباحه ، موضوعدر ، قرائن خالی اولورسه فاعل ایشله ملک ، ایشله مملکه مخیر اولور .

مذاهب مذکورده دن حق اولان مذهب جمهور مذهبی در . دیگر مذهبک علی التعمین صاحبزری کوره مدیم .

این رشد کتابنده انحق اوج مذهب ذکر ایدیور : جمهور مذهبی (نهی صیغه سی تحریمه دلالت ایدر) ، مذهب ثانی یی (نهی صیغه سی کراهته دلالت ایدر) مذهب خامسی (نهی صیغه سنده توقف اولور) ذکر ایدیور .

نهی صیغه سی قرائن خالی اولور ایسه تکرار ، فور اقتضا ایدر : علی الدوام ، علی الفور فعل متروک حرام اولور . امر صیغه سی بویله دککدر . قرائن خالی اولان امر صیغه سی تکرار و فوری اقتضا ایتمز : علی الدوام ، علی الفور فعل مأمور ، واجب اولماز .

امرک برچوق معنالی اولدینی کی نهیک ده برچوق معنالر وار ایسه ده منازعه اوج معناسنده در : تحریمه مثال : لاتاکلوا الربوا کراهته مثال : لاتبايعوا وقت النداء اباحیه مثال : لاتخذوا الدواب کراسی

اسلام اجتماعیاتی

اسلامیتده روحانیت ، جسمانیت واری ؟

اسلامیتک بالذات انسانلری تفریق ایتمی ، مثلاً بر قسمی روحانیلر دیگر قسمی جسمانیلر حاله افراغ ایتمیسی و بوکاد مساعده بولمسی عقلاً محالدر .

فی الواقع دین مبین اسلامده انسانلری روحانیت ، جسمانیت صنفلرینه تفریق ایتمه جک هیچ بر درلو حکم ، هیچ بر درلو قانون موجود دککدر . خرسیتانلقده بو حال ، بو افتراق دین نقطه نظرندن ضروری عدا ایدلکده در . اسلامیتده ایسه بویله افتراق موجب حاللر قطعاً موجود دککدر .

مادامکه بو ثابتدر ؛ بو حالده مسلمانلری ایکی صنفه تقسیم ایتلکده ده معنی بوقدر . بناء علیه اسلامیتده روحانیت ، جسمانیت عنوانلری . اوله ماز ... روحانیت ، جسمانیت عنوانلری خرسیتانلردن ایتشددر .

انسان ، روحانیت و جسمانیتدن مرکب بر حیواندر ، که حکما

انسانی « حیوان ناطق » دیه تعریف ایدرلر. بو حالدده انسانی یالکتر روحانیت، یاخود یالکتر جسمانیت ایله توصیفده صواب اوله مز؛ خطادر، غلطدر.

انسانلرک بر قسمته روحانی دیمک و آنلری روحانیت نسبت ایتک ایچون هر حالده او شخصلرک جسمانیلره قارشى باشقه لنى بولنسى، و آرارلنده اولان فرقك معنایه راجع وروحه عائده هیچ اولمازسه حقوقجه بر ممتازی حائر اولماسی لازمدر. حال بوکه انسانلر آراسنده نه حقوقجه، نه روح و معنایه ایکی صنف خلق موجوددر.

زیرا عموم انسانلر روحانیت و جسمانیتدن مرکب اولمقله برابر هانکیسنگ جسمانیت و هانکیسنگ روحانیت ده ا زیاده علاقهمی اولدیغی بیلیمک ممکن دکدر.

بو انسان روحانیدر، بو انسان جسمانیدر... دیمک و بویله بر حکم اعطا ایدم بیلیمک ایچون، شبهه سز بر مناط، بو حکمک منشأی اولق اوزره برعله لازم. ایشه بو مناط وعلیه نه حقوق نقطه نظرندن، نه ده علاقه و غلبه نقطه نظرندن بوله بیلیمک...

الدوسوک ونهایت اولق اوزره بر احتمال عقلی قالیورکه اود: انسانلرک صورت ظاهرلری و کیفیت تلبسلری درکه احتمال بو نقطه نظرندن انسانلری روحانی و جسمانی دیه ایکیه تقسیم ایتک آرزو ایدنلر اوله بیلیر. فقط بو آرزوده بولنلر آلدانیورلر. زیرا بر انسانی معنا وروح ایله اصلا مناسبتی اولیان البسه نه، باخصوص شریعت غرای اسلامیتجه هیچ بر اهمیتی حائر اولیان صورت ظاهره نه حصر نظر ایدمک و بو اعتبارله ده انسانلرک تقسیمه قدر کیمک هیچ بر وقت حقیقت بیلیمک صایله ماز.

صاریق وجهه اکتسا ایتش بر انسانه روحانی دیمک نقدر منطقسز بر لافدر. زیرا صاریق وجهه ک روحانیت و معنایه هیچ بر مناسبتی اولمادیغی وحتی بومقوله دن بیلله اولمادیغی یک واضح بر مسئلهدر. روحانیتک و جسمانیتک - معاً اولدیغی حالدده - بر معنادر، که بونکله حقیقت انسانیه متصف اولور. انسان صاریق وجهه اکتسا ایتش اولسون، استرسه بیاض یاقه طاقسون، پالطو کیمش اولسون...

نه حاجت وارکه مسلمانلری ایکیه آرم؟ « انما المؤمنون اخوة » مسلمانلر هب قرداشدرلر. مسلمانلرده آریلق، غیر یلق یوقدر. کرک حقوق اعتباریه، کرک وظیفه اعتباریه مسلمانلر یکدیگرلرینه قارشو رجحانی حائر دکدرلر. انسانلر فصل که مساوی اوله رق دنیا یه کلیورلرسه، اسلامیتده عین مساواتی محافظه، عین اخوت طبعیه یی ادامه ایچون وضع بیورلمشدر. بو حالده مسلمانلری روحانیتک و جسمانیتک صنفلرینه تفریق ایتیه نه لزوم وار؟

نه حاجت وارکه مسلمانلری روحانی و جسمانی دیه ایکی قسمه تقسیم ایدم؟ کلدکاری بر بر، کیده جکاری یرده یه بر؛ منافعلری مشترک، مضر تلری ده اوله... عموم افراد مسلمین - هیچ بر فرد مستثنا اولمقسزین - کنبدوسنگ و بتون قرداشلرینک منافعی حایله،

بتون مضر تلرینی دفعه دیناً مجبوردر. دین ایسه هر بر مسلمانک - هیچ بر فرد مستثنا اولمقسزین - محافظه سی مجبوری اولان بروظیفه انسانیهدر. انسان، انسان اولدیغی مدتیجه دیننده ثبات ایتمی ضروریدر. بو نقطه ایسه هم وظیفه عمومیهدر، هم ده وظیفه خصوصیه و شخصیهدر. بناء علیه بوجهتده مناط تفریق اوله مز.

اسلامیتده روحانیتک و جسمانیتک هیچ بر وقت اونامش، هم هیچ بر وقته ده اولمایدر. دین اسلامده بویله بر ایشک و بویله بر حاکم وجودینه قائل اولق کناهد، بدعتدر.

عصر رسالتده اوله روحانیلر، جسمانیلر، بویله ایکی صنف اهالی موجود دکدی. او عصر سعادتده مسلمانلر آراسنده اوله آریلق، غیر یلق یوقدی: حضرت پیغمبر اقدامزه ایمان ایدنلره « مؤمن، مسلم، صحابی » تعیرندن ده ا خصوصى بر تعیر، قابل دکل، بولنازدی. بتون اهل ایمان بر صنفدی: مسلمان.

ایشته دقت بیورلسون! عصر سعادتده روحانی و جسمانی دنیه ک صنفلر بوله میورز. زیرا بتون اهل ایمان، هپسی هم روحانی هم جسمانی ایدیلر. روحانیت و جسمانیتدن یالکتر بریسی ایله اتصاف ایدم بیلیمک یر ذات، اهل ایمان آراسنده بولنه مازدی. تابعین کرام زماننده ده حال بویله اولدی.

ایشته اساس اسلامیت بویلهدر. شمیدی ده بویله اولماسی لازمدر. بونک اوزرینه نه علاوه ایدیلورسه ضاللتدر؛ نه اختراع اولئورسه بدعتدر.

نتیجه: اسلامیتده روحانیتک، جسمانیتک یوقدر؛ اوله مزده...

قرآنلی حلیم ثابت

سبیل الرشاد

مومی الیهک و قیلله یازمش اولدیغی شو مقاله کال دقتله اوقونلی در. فی الحقیقه اسلامک اوامر دینیه سربالکتر اعتقادات و عباداته یعنی یالکتر خالق ایله مخلوق بیننده کی مناسباته منحصر دکدر. حقوق عبادک معاملات و مناکحات و عقوبات اقسامنده شاملدر. دین اسلام خالق ایله مخلوق آراسنده کی واسطه یی، رهباتی رفع ایتدیکی کی: « اللهه عائده اولانی اللهه، قیصره عائده اولانی قیصره ویرمک، دستورینی ده هیچ قبول ایتز. معنای معروفلرجه نه حکومت روحانیه یی طایر، نه حکومت جسمانیه یی. حکومت روحانیه و جسمانیه ک آری آری تشکله جواز ویرمز. حکومت جسمانیه عائده معاملاتک کافه سی دیناً مأموریه و یا منهی عنیهدر. هپسی امر الهی و یا سنت رسالتیهدر. کتاب و سنت دنیا ده ده، آخرتده انتظام شؤن افراد و امتی کافیدر. و (ربنا آتنا فی الدنیا حسنة و فی الآخرة حسنة) تعلیم الهیسی بو

نقطه مهمه اشاره تدر. بناءً عليه اعصار اخيره اوروپاده تطبيق
ايديلن امور دينيه وسياسيه في تفريق Separation de l'Elise et del'Etat
دستورينك بزده محل انطباق يوقدر. بزده امر بالمعروف ايله نهى
عن المنكر دينك فرائضدن اولديني كې تأسيس حكومت، اقامه
حدود الهيه وتوزيع عدالت ايله شؤون سياسيه ي اداره كې خصوصاتك
كافيه دينك احكامنددر. دين اسلامجه نصب امام فرضدر. امامه
اطاعتده فرضدر. امام المسلمينك جمعه ي اقامه ايمه سي ايله قاضى نصب
ايمى بيشده فرق يوقدر.

حدود الهيه نك اقامه سي، احكام دينيه نك اجراسى تشكيلات
اجتماعيه، بونكده بقا ودوامى حكم وقوته وابسته اولديني ايجون
بر حكومت منتظمه اسلاميه نك اساسلى هجرت سنه ي متعاقب وحيك
كرما كرم توالى اولديني صيرالرده بالذات طرف عالى نبويدر وضع
ايدلشددر. رياست حكومت عصر رسالتناهيلىرنده كنديلرنده واوندن
صكره خلفا وائمة مسلمينده ايدى. امام عمر بن الخطابك (والله
مايزع الله بالسلطان اكثر مما يزع بالقران = والله، حق تعالىك
نفوذ حكومتله منع ايتديكى شى، نفوذ قرآن ايله منع ايتديكندن
زياده در) سوزى بر حقيقت محضه اولديغندن احكام قرآنيه نك تطبيقى
تأمين ايدمك بر حكومتك تشكىلى ضرورى ايدى.

ايسته بو صورتله تشكىل واحكام قرآنيه نك تطبيقى تأمين ايدن
حكومت اسلاميه بو شكل اساسينى بو كور قدر محافظه ايتيش،
«انا نحن نزلنا الذكر وانا له لحافظون» وعد كريمى موجبنجه الى
يوم القيامده محافظه دوام ايدمكدر. «يريدون ان يطفؤا نور الله
بافواههم ويأبى الله الا ان تنوره...»

مطبوعات

هم بر مکتوب

صوك بوسته ايله كلن (تايمس) ده اسپانيول علماسندن بر ذات
طرفندن اسپانيادن مذکور غزه مديرينه كوندرلش بر مکتوب
مندرجدر. محتوياتك اهميته بناءً عينا ترجمه وانظار قارئنه وضع
اولنور:

افدى!

(تايمس) ك ۲ آغستوس تاريخى نسخهنده مندرج بر مکتوبده
شوجه يازيلي ايدى: بوكون جوجوقلر من تاريخ درسارنده (هون) لرى
(سارازهن) لرى (سارازهنلر قرون وسطاده اندلس وسواحلى

وجزارير بحر سفيد عربلرينه اطلاق اولنوردى.) نصل اوقيورلرسه
بيك ييل صكرهده مکتبى كنجدر من بى طرف ناللكك دوچار تعرض
واستيلاولديني حقنده كى مراقبى تاريخى اوقويه جقلمدر.

مساعده كزله شونى سويله يمكه، بو كونكى بعض آوروپا عسكر-
لرينى (سارازهن) لره تشبيه ايتمك بك بيوك بر حقسنزلقدر. حضرت
محمدك اردولرى قادينلره، جوجوقلره قارشى حرب ايتديلر. مدافعه سز
شهرلرى تخريب ايتديلر. بالعكس حضرت على وضع ايتديكى مشهور
قانونى ايله بو كې غدر و ظلم و ملتعلرى صورت قطعيهده منع ايتدى؛
حضرت ابوبكر معيتنده كى رؤساسنه بو كون اك بويوك اردو قو-
ماندانلرى طرفندن نمونه اتخاذا لازمكلن بروجه آتى بياننامه احكام
عاليه سنه مطاوعت ايتلرينى امر ايدى: «اكر جناب حق سزه مظفر بريت
احسان ايدرسه قيايجلريكزى سزه تابع وتسايم اولانلرك و جوجوقلر
وقادينلرك و اوان اختيارلرك قاييله بولاشدير ميكر. دشن مملكتته كيرديككزده
آغاچلرى كسميكر، ميوه لرى خراب ايتيكر، مسكنلرى ياقيكز.
بونلردن ومواشيسندن يالكز سزه لازم اولانلرينى آليكر. احتياج
حس ايتدكجه هيچ برشى تخريب ايتكز. شهرلرى و قلعه لرى اشغال
ايديكز و بونلردن يالكز دشمنه ملجأ اوله بيله جكلى ييقكز، مغلوب
ومقهور اولانلره قارشو مرحتى اوليكز، دشمنكزده قارشو معاملاتكزده
ايكى يوزلى اوليوب داغما صميمى، مستقيم ومرد اوليكز، سوزيكزى
وعدكزى طوتيكز، يالكز كندوسنه تحمیل ايديلن شرائطه سلاح
بدست اوله رق مقاومت كوسترن دشمنى تولدريكر.»

بو بياننامه نك اعلانندن وسالف الذكر قانونك وضعندن آلتى يوز
سنه صكره حضرت ابوبكر قوماندا سي آلتنده بولنان مسلمانلرك
دين قرداشلرى (سارازهن) لر سزه شو سطرلرى يازديغ قديم اسلام
قلعه سنده بهادر (قاسديليا) اردولرينك مدھش هجوملرينه سكر آى
شجيعانه مقاومت ايتديلر. آوروپا مورخين مشهوره سنك بوقانلى
محاربه لره دائر ياردقلى اثرلرده اسلام سلاحى ليكليه جك اوافق
بروقعه يه تصادف ايدلر. شو حالده مکتب صره لرند جوجوقلر مزه
قرون وسطاده مردلك دورينك اك كزیده بهارلرى اولان (سارازهن)
لرى بوكونكى بعض آوروپا لره بکرتمكى اوكرتمك بك بويوك
برحقسنزلىق اولمازمى؟

توركلره كلنجه، بونلرك مظالم ايقاق دائر مصالار كمال احتياط
ايله تلقى ايدله ليدر. تورك اصل ونسلنك بوزولديني حقنده كى روايتلرك
محض كذب وافترا اولديني و تورك عسكرينك حالا دخى يكييت
برجنكاور وجسور بر محارب اولديغى اليوم چناق قلعه جهه سنده
بولنان برادرزاده لرمدن آلدیغ مکتوبلرده حرارتلى بر صورتده بيان
ايديلور. افدى! شجيع بر محارب ناموسلى ومرد برانسان ديمكدر.
امضا: (آرابيق ايسپهن) مؤلفى

ح. اشرف اديب

(نجم استقبال) مطبعه سى